

CNS8292

U GB 22-03 00174 BB926

AAB

Mahathir - Kesal

ALOR SETAR, 22 Mac (Bernama) -- Datuk Seri Dr Mahathir Mohamad kesal terhadap pihak tertentu yang membuat kenyataan-kenyataan berunsur negatif terhadapnya seperti mendakwa kononnya beliau kini sakit dan akan menjalani pembedahan.

+Saya sendiri tidak faham kenapa ada pihak mengeluarkan kenyataan negatif ini,+ kata Perdana Menteri kepada pemberita setibanya di Lapangan Terbang Sultan Abdul Halim, Kepala Batas, dekat sini untuk menghadiri majlis berbuka puasa bersama penduduk di Kampung Teluk Malik dekat Jitra malam ini.

+Dulu saya pergi ke England untuk tujuan lain, tetapi ada pihak yang mendakwa kononnya saya pergi untuk menjalani pembedahan. Saya pergi sana sini, semua orang tengok tapi ada orang kata kononnya saya sakit, nak kena bedah, saya tak tahu apa tujaun mereka,+ katanya.

Beliau berkata kemungkinan golongan itu sengaja berbuat demikian supaya harga saham jatuh dan untuk mengendalakan pembangunan di negara ini.

+Bagaimanapun, kalau saya tak ada, takkanlah negara ini kena tutup...masih ada ramai lagi orang yang akan meneruskan pembangunan negara,+ katanya. -- Lagi

♥22/03/20-03MST

U GB 22-03 00170 BB927

AAB

Mahathir - Kesal 2 Alor Setar

Ketika diminta mengulas mengenai dakwaan beberapa jurutera yang kurang bersetuju dengan laporan jawatankuasa yang menyiasat punca krisis air di Melaka, Datuk Seri Dr Mahathir berkata sepatutnya mereka menjadikannya sebagai pengajaran kerana semua pihak terlibat dalam perkara itu, termasuk dirinya.

Beliau, bagaimanapun, enggan mengulas lanjut.

Mengenai cadangan Kerajaan Pusat untuk mengambil alih pengurusan air di seluruh negara, Datuk Seri Dr Mahathir berkata mengikut perkiraan kerajaan penduduk Malaysia akan meningkat kepada 70 juta pada tahun 2040 tetapi matlamat kerajaan angka tersebut akan tercapai pada 2100 dan ini sudah tentu akan meningkatkan penggunaan air.

Beliau berkata peningkatan itu akan menimbulkan berbagai-bagai masalah yang memerlukan pengurusan yang baik.

Katanya, sepatutnya tidak berlaku di dalam sebuah negara, masalah bekalan air hanya wujud di sesebuah negeri sedangkan negeri-negeri yang lain tidak menghadap masalah yang sama.

+Oleh itu kerajaan berpendapat pembangunan bekalan air mesti memenuhi keperluan kesemua negeri dan bukannya sesebuah negeri sahaja,+ katanya. -- Lagi

♥22/03/20-03MST

U GB 22-03 00155 BB928

AAB

Mahathir - Kesal 3 Alor Setar

Menurutnya, Malaysia merupakan sebuah negara yang mempunyai ramai penduduk tetapi kekurangan air dan sekiranya bekalan air tidak diagihkan dengan sempurna ia akan menimbulkan masalah.

Selain itu, kata beliau, kerajaan-kerajaan negeri lebih suka mengurus sendiri bekalan air sedangkan Kerajaan Pusat yang mengeluarkan modal untuk pembinaan empangan dan loji-loji pembersihan air.

Tetapi modal yang diberi kepada kerajaan-kerajaan negeri tidak dibayar balik, sebaliknya kerajaan negeri mengutip hasil air, katanya.

Sekiranya Kerajaan Pusat tidak memberi wang kepada kerajaan negeri untuk membina empangan dan loji, sudah tentu tidak ada air yang hendak dijual, katanya.

Mengenai laporan yang mengatakan 40 orang kanak-kanak kampung di Daerah Padang Terap tidak dapat meneruskan pelajaran mereka kononnya akibat kesempitan hidup ibu bapa mereka, Datuk Seri Dr Mahathir mahukan masyarakat turut sama membantu kerajaan mengatasi masalah itu dengan memberi pertolongan kepada mereka yang terbabit. -- Lagi

♥22/03/20-04MST

CNS8297

U GB 22-03 00085 BB929

AAB

Mahathir - Kesal 4 Alor Setar

Katanya, mereka tidak seharusnya membuat tuduhan seolah-olah kerajaan tidak memberi perhatian dalam perkara seumpama itu.

Beliau berkata dalam sebuah negara yang mempunyai 17 juta orang penduduk memang wujud perkara seperti itu dan kerajaan tentu tidak mampu memastikan semua kanak-kanak di kawasan luar bandar dapat bersekolah.

Menurutnya, di negara yang sama taraf dengan Malaysia, bilangan kanak-kanak yang tidak dapat bersekolah lebih ramai daripada di negara ini.

-- Bernama

♥22/03/20-04MST